



পশ্চিমলোচন পোস্টাফিস থেকে ফিরছে, মানসের সঙ্গে দেখা হলো পথে ।

—তোর হাতে ওসব কি রে ?

পশ্চিমলোচন বলল—যত রাজ্যের খবরের কাগজ । স্টেটসম্যান, বঙ্গবাসী, এডুকেশন গেজেট এইসব । বাবা পড়েন । হ্যাঁ রে মানকে, পশ্চিমলোচন আমাদের খাতা দেখেছেন ? কত নম্বর পেয়েছি আমি ?

মানস গম্ভীরভাবে জবাব দিল—বোধ হয় এগারো ।

—মোট ? আর তুই ?

—পাঁচ কি সাত । তবে আমি বাবার অজান্তে নম্বরের পাশে সংখ্যা বসিয়ে পঞ্চম কি সাতচল্লিশ করে নেবখন । ভাগ্যস এগারো পাইনি, তাহলে কি মর্শাকিল যে হত । একশোর মধ্যে একশো দশ তো আর পাওয়া যায় না ?

—আর সব ছেলেরা ?

—তিন, দুই, জিরো । অনেকে আবার মাইনাস পাঁচ, মাইনাস সাত পেয়েছে ; তারা সব 'ফিজিং পয়েন্টে'—সব বিলো 'জিরো' ।

পশ্চিমলোচন হাসতে পারল না ।—তোর আর কি, তুই পশ্চিমলোচনের ছেলে ; তোকে ত আর কিছু বলবেন না । মার খেয়ে মারা যাব আমরা ।

পশ্চিমলোচন বাড়ি ফিরে যেন ভাবনার অকূল পাথরে পড়ল । সংস্কৃতে মোটে এগারো পেয়েছে ! তার ওপর পশ্চিমলোচনের আবার সব চেয়ে বেশি রাগ তারই ওপর—সে তাঁর কথার চোটপাট জবাব দেয় বলে । সেদিন তো বেশি

নড়বড়ে পায়রাটা ভেঙে নিয়েই কয়েক ঘা তাকে কশাবেন এমনি প্রচণ্ড উৎসাহ দেখিয়েছিলেন ; পক্ষের সৌভাগ্যক্রমে বোম্বটা তার পক্ষ নিয়েছিল তাই রক্ষে— অনেক টানাটানিতেও কিছুতেই পায়রাটা ছাড়তে সে রাজি হয়নি। অব্যাহা বোম্বটাকে পদচ্যুত করতে না পেরে সেযাত্রা তাদের দুজনকেই তিনি পরিচয় দিলেন। কিন্তু সেদিন তাঁর যে রাগ সে দেখেছে, এর পরে ফের ইস্কুলে গেলে কি আর নিস্তার আছে ?

খবরের কাগজগুলো বাবাকে দেওয়া তার হলো না, নিজের পড়ার টেবিলে ফেলে রেখে, নাওয়া খাওয়া ভুলে সে ভাবতে বসলো। ভাবতে ভাবতে সমস্ত যখন তার এলোমেলো হয়ে এসেছে এমন সময় হঠাৎ তার মনে হলো একটা পথ যেন পাওয়া গেল পিণ্ডিতমশাইকে জব্দ করবার... একটা উপায় যেন সে আবিষ্কার করেছে। সংবাদপত্রগুলো খানিকক্ষণ নাড়াচাড়া করে সে হাসিমুখে টেবিল থেকে উঠল।

ইস্কুলে গিয়ে শুনল, সংস্কৃত পরীক্ষার তাদের নম্বরের বহর দেখে হেড-মাস্টারমশাই এমনই হতভম্ব হয়ে গেছেন যে তিনি স্বয়ং আজ পিণ্ডিতমশায়ের ক্লাশে আসবেন। খবর পেয়ে পক্ষলোচন খুঁশিই হলো। সে প্রস্তুত হয়ে এসেছে—আজ একটা বিহিত সে করবেই ; তার নাম পালটে ধ্বংসলোচন বলে ডাকার, যখন তখন বেধড়ক পিটন দেওয়ার প্রতিশোধ আজ তাকে নিতেই হবে। ক্লাশে ঢুকে নাকে নাস্যি গঞ্জি চিল্লিশ মিনিট তিনি ঘুমিয়ে সুখ করবেন, আর বাকি দশ মিনিট সুখ করবেন পড়া নেবার অছিলায় তাদের পিটিয়ে—এটি আর হচ্ছে না। পক্ষলোচন মরীয়া আজ।

হেডপিণ্ডিতকে সঙ্গে নিয়ে হেডমাস্টার মশাই ক্লাশে ঢুকলেন। ছেলেরা জিজ্ঞাসা করলেন—সবাই মিলে তোমরা সংস্কৃতে ফেল করলে কি করে হে ?

ছেলেরা নিরুত্তর। তিনি আবার প্রশ্ন করলেন—তোমাদের কোনো গভীর ষড়যন্ত্র ছিল না কি ?

পক্ষলোচন জবাব দিল—পিণ্ডিতমশাই আমাদের পড়ান না সার্ব।

পিণ্ডিতমশাই চোখ পাকিয়ে বললেন—কি ? অধ্যাপনা করি না ? যত বড় মূখ নয় তত বড় কথা !

হেডমাস্টার মশাই পিণ্ডিতকে বাধা দিলেন—আপনি থামুন। কি বলবার আছে তোমার বলো।

—সেদিন আমি পিণ্ডিতমশাইকে একটা শ্লোকের মানে জিজ্ঞাসা করলাম, অবশ্য পড়ার বইয়ের বাইরে। আনসীন প্যাসেজ তো আমাদের থাকে অ্যাডিশনালে। তা পিণ্ডিতমশাই তার মানেই বললেন না।

পিণ্ডিতমশাই রাগে ফুলতে লাগলেন—কি ? কোন শ্লোকের অর্থ আমি করি নাই ? শ্লোকার্থ জানি না—আমি !

দাঁত কিড়িমড় করে পিণ্ডিতমশাই যেন ফেটে পড়তে চাইলেন—নিজে আর তোর কোন শ্লোক আমি অর্থ করিতে পারি নাই !

হেডমাস্টার অশ্বাস দিলেন—বলো ভয় কি ! তোমার মনে নেই বৃদ্ধি ?

পশ্চলোচন ঘাড় নাড়ল—হ্যাঁ, আছে আমার। এই শ্লোকটা সার—

হবার্তাবা কহিস্থাশা টেজেগেণঃ শকেভুয়ে ।

আণ্ডীবঃ অণ্ডফ্রয়েণ মানস্টেটঃ শিবাজবঃ ॥

শ্লোক শুনেন পণ্ডিতমশায়ের চোখ কপালে উঠল। ভুরু কুঁচকে ভাবতে লাগলেন তাঁর সারা জন্মে এমন অদ্ভুত শ্লোকের সাক্ষাৎ তিনি পেয়েছেন কি না। পণ্ডিতকে নিঃশব্দ দেখে হেডমাস্টার মশাই বুদ্ধিতে পারলেন শ্লোকটা তেমন সহজ নয়; তাই তাঁকে উৎসাহ দেওয়া তিনি প্রয়োজন বোধ করলেন—একটু একটু বোঝা যাচ্ছে যেন; উপনিষদ কিংবা পার্জির বোধ হয়, কি বলেন?

পণ্ডিতমশাই মাথা চুলকাতে লাগলেন—কোনো উদ্ভট শ্লোক। উদ্ভট গ্রন্থ থেকে এর মর্মেণ্ডধারণ করতে হবে। আমি আজ বৈকালেই এর অর্থ করে দেব। ও যেন মানকের সম্ভাব্যাহারে আমার বাড়ি যায়।

পশ্চলোচন বলল—না সার, সামনে দুর্গা পূজো, আমি বিছানায় শুয়ে থাকতে পারব না সার।

পণ্ডিতমশায়ের প্রহারের ভয়ানক প্রসিদ্ধি ছিল। হেডমাস্টার পশ্চলোচনের ভয় দেখে হাসতে লাগলেন—পণ্ডিতমশাই, ওটা কাল আপনি স্কুলে বলবেন, তাহলেই হবে। আমারও জানার কৌতূহল হয়েছে। একটু ঘেঁটে দেখবেন, পার্জির কিংবা উপনিষদের হবে—ওই দুটোই তো আমাদের যত রাজ্যের শ্লোকের আড়ত!

পণ্ডিতমশাই গম্ভীর হয়ে বললেন—বেশ, আমার স্মরণে রইল।

বাড়ি ফিরে পণ্ডিতমশাই শব্দকল্পদ্রুম নিয়ে পড়লেন; উদ্ভট-সংগ্রহটাও পাতি পাতি করে খুঁজলেন। কোনদিকেই শ্লোকটার কোনো সুরাহা হলো না। নাকে এক টিপ নস্য দিয়ে তিনি দারুণ মাথা ঘামাতে লাগলেন—‘হবার্তাবা’? সংস্কৃত বলে বোধ হচ্ছে বটে কিন্তু অভিধানে তো এ শব্দ নাই! বার্তা মানে তো সংবাদ কিন্তু ‘হ...বা’র মাঝখানে পড়ে এতো বোধগম্য হবার বহির্ভূত হয়েছে। ‘কহিস্থাশা’? হিষ্ট ছিল আশা হলো হিষ্টাশা! কিন্তু হিষ্ট মানে কি? এঁক আমাকে ক্ষিপ্ত করার চক্রান্ত? ‘শিবাজবঃ’—কেবল এই শব্দটার অর্থ অনুধাবন করা কঠিন নয়, কিন্তু ‘টেজেগেণঃ’ বা কি আর ঐ ‘শকেভুয়ে’...?

পণ্ডিতমশাই অস্থির অজুহাতে তিনদিন ছুটি নিলেন—কিন্তু তিনদিনের জায়গায় সাত দিন হয়ে গেল তবু ইন্সকুলে তাঁর পদাৰ্পণ নেই! তখনো তিনি শ্লোকটার কিনারা করে উঠতে পারেননি! সেদিনই সকালে উদ্ভট কল্পতরু নিয়ে পাতা গুলটাচ্ছেন, এমন সময়ে নৈপথ্যে পায়ের আওয়াজ কানে আসতেই হুঙ্কার দিয়ে উঠেছেন—কে ঘাচ্ছিস ওখান দিয়ে? টেটো?

—উঁ।

—মানকে নাকি? টেটোকে তামাক দিতে বলত। কিঞ্চিৎ ধূমপান আবশ্যিক।

মানস বলল—টেটো এখন কোথায় টো টো করছে কে জানে!

তবে তুই সাজ। গড়গড়াটা আমার দিয়ে ধূমলোচনকে ডেকে আন তো একবার।

—সে আসবে না ।

—বলিস, মাঠেঃ । আমি অভয় দিয়েছি । কোনো ভয় নেই অতঃপর ।

বুদ্ধির গোড়ায় ধোঁয়া লাগলে কিছুর স্রবীধা হবার আশা করেছিলেন । কিন্তু ক্রমশই তাঁর কাছে সব আরো ধোঁয়াটে ঠেকতে লাগল । ‘আন্ডীবঃ অন্ডফ্রয়েণ’— এ যে কি বস্তু তার রহস্য ভেদ করা থাক অনুমান করতেও তিনি অপারগ !

—এই যে ধূম্রলোচন, এসেছ ? বাবা পন্মলোচন, আর প্রণাম করতে হবে না, বসো । তুমি কি শ্লোকটার সদর্থ জানো ? জানো না কি ?

—জানলে কি আর জিজ্ঞাসা করি সার ?

—তাওতো বটে, তাওতো বটে । আচ্ছা, তোমার কি ঠিক স্মরণে আছে কথাটা আন্ডীব, গান্ডীব নয় ? গান্ডীব কথার হয়ত অর্থ হয় ; গান্ডীবী মানে সবাসাচী ।

—কথাটা আন্ডীব, আমার বেশ মনে আছে ।

পন্ডিতমশাই ঘন ঘন তামাক টানতে লাগলেন—সমস্ত শ্লোকটাই তোমার বেশ স্মরণ আছে, কোথাও কিছুর ভুল করোনি ? তাই ত—তবে—তাই ত !

পন্মলোচন চলে গেলে পন্ডিতমশাই এবার বৃহৎ শব্দার্থসংগ্রহ নিয়ে পড়লেন । মানস সাহস সঞ্জয় করে বলল—আমি ওর একটা লাইনের মানে করতে পারি, বাবা !

বাবা অভিধানের পাতা থেকে চোখ তুললেন—কোন লাইনের ?

দ্বিতীয় লাইনের, যদি ‘আন্ডীব’-এর জায়গায় আন্ডিল হয়, আর ‘শিবাক্ষব’-এর জায়গায় হয় গবাংগব ।

পন্ডিতের বিস্ময়ের অবধি রইল না । তিনি মহামহোপাধ্যায় হয়ে হিমসিম খেয়ে গেলেন আর এই দুঃখপোষা বালকের মূঢ়তা দেখ । আগে হলে তিনি মেরেই বসতেন, কিন্তু এখন তাঁর অবস্থা অনেকটা নিমঞ্জমান লোকের মত, তাই কুটো হলেও মানসকে তিনি আশ্রয় করলেন ।—কি শূনি ?

মানস তথাপি ইতস্তত করতে থাকে—বলব ?

—বলতেই ত বলছি ।

—আন্ডিলঃ । মানে এক আন্ডিল, কিনা এক গাদা, অন্ডফ্রয়েণ অর্থাৎ অন্ড মানে ডিম্ব...ফ্রয়েণ মানে ফ্রাই করে অর্থাৎ কিনা এক বৃদি ডিম ভেঙ্গে নিয়ে,— মানস্টেট মানস্টেট

—ওইখানে ত আমারও আটকাচ্ছে রে !—পন্ডিতমশাই বিজ্ঞের মত এক টিপ নস্য নিয়ে বললেন—ওই মানস্টেটই হলো মারাত্মক । যত নষ্টের গোড়া !

—আমি কিন্তু বুদ্ধিতে পেরেছি বাবা । মানস্টেটঃ—বলব ? ওটাতে পন্ম হতভাগা আমাদের ওপর কটাক্ষ করেছে । অর্থাৎ কিনা মানস আর টেট, আমি আর আমার ভাই ।

—বটে ? গম্ভীরভাবে পন্ডিতমশাই বললেন—সমস্তটা জড়িয়ে মানে কি হলো তবে ?

—অর্থাৎ কিনা, এক ঘাদা ডিম ভেজে মানস আর টেট গবাংগবঃ—গব গব করে গিলছে। বোধহয় ও দেখেছিল।

দেখতে দেখতে পিঁড়তের চক্ষু রক্তবর্ণ ধারণ করল। তিনি আতঁনাদ করে উঠলেন, কি? আমার পুত্র হয়ে ব্রাহ্মণকুলে জন্মগ্রহণ করে তোদের এই জঘন্য কীর্তি? তোরা কিনা ডিম্ব গলাধঃকরণ করিস? হংসডিম্ব কি কুক্কুটাঁড কে জানে!

বলেই তিনি মানসের পৃষ্ঠপোষকতার মতলবে তাঁর পাদুকা উস্তোলন করেছেন। মানস নিরাপদ ব্যবধানে সরে গিয়ে বলল—ওই জনোই তো আমি বলতে চাই না। আপনার মস্তক ঘর্মান্ত হিঁচ্ছিল বলেই ত বললাম।

—মস্তক ঘর্মান্ত হিঁচ্ছিল! আর, এখন যে আমার চতুর্দশ পুত্র, নরকস্থ হলো, তার কি।

পিঁড়তমহাশয়ের আশ্ফালন কানে যেতেই পিঁড়ত-গৃহিণী রামাঘর থেকে ছুটে এলেন। তিনি যে-ভাবে ও যে-ভাষায় মানসের পক্ষ সমর্থন করলেন তাতে স্পর্শই বোঝা গেল যে অশুভ-ঘটনের ব্যাপারে কেবল তাঁর সহানুভূতিই নয়, দস্তুরমত সহযোগিতাও আছে। অগত্যা মানসকে মার্জনা করে দিয়ে পিঁড়ত-মশাই আবার তাঁর গ্লোকে মনোনিবেশ করতে বাধ্য হলেন।

ইস্কুল থেকে হেডমাস্টারমশাই লোক পাঠিয়েছিলেন, পিঁড়তমহাশয়ের খবর নিতে। আর্টদিন হয়ে গেল কেন তিনি ইস্কুলে আসছেন না—তাঁর কি হয়েছে?

পিঁড়তমশাই উত্তর পাঠালেন—সমস্তই হয়েছে, বাকি কেবল ‘শকেডুয়ে’— ওইটা হলেই হয়ে যায়।

উত্তর পেয়ে হেডমাস্টার তো হতভম্ব! গ্লোকটার কথা তিনি কবেই ভুলে গেছেন; আর তাছাড়া সংস্কৃত তাঁর আদপেই মনে থাকে না—উপনিষদেরই কি আর পাজিরই বা কি!

তিনি ভাবলেন—পিঁড়তের মাথা খারাপ হয়ে গেল না তো? কাল নিজে গিয়ে দেখতে হবে।

পরদিন পিঁড়তের বাড়ি গিয়ে দেখলেন, সদর দরজায় তালা লাগানো, তারই উপরে ঝুলছে To Let।

পিঁড়তের কোন পাস্তা পাওয়া গেল না, কোথায় গেছেন কেউ জানে না, বাড়িওয়ালার পাওনা চুকিয়ে প্রতিবেশীদের কিছন্ন না বলে রাতারাতিই তিনি নিরুদ্দেশ হয়েছেন।

পশ্চলোচন পোস্টাফিস থেকে ফিরছে, যত রাজ্যের খবরের কাগজ তার হাতে। সরিতের সঙ্গে পথে দেখা হলো।

সরিৎ বলল—আচ্ছা গ্লোক ঝেড়েছিলিস ভাই! পিঁড়ত বেচারা পালিয়ে বাঁচল।

পশ্চলোচন শূন্য হাসে।

—দারুন গ্লোক বাবা! পিঁড়তমশায় একেবারে ‘টজেগেণঃ! লাভের আশা ত্যাগ করে উধাও হলেন!

পন্মলোচন তব্দ হাসে ।

—অবশ্য মানকে একটা মানে করেছিল বটে, অর্থাৎ তুই নাকি তাকে আর তার ভাইকে লক্ষ্য করে ওটা বেঁধেছিস ?

পন্মলোচনের হাসি আর থামে না—মানকের ছাই মানে । ও তো ডিমের মানে ।

সম্ভ্রান্ত হয়ে সারিৎ জিজ্ঞেস করে—তবে আসল মানেটা কি ভাই । বলবিনে আমাদের ?

—মানে এই যে আমার হাতেই রয়েছে !

—ও তো সব খবরের কাগজ ।

—আরে, এই নামগুলোই তো ওলটপালট করে দিয়েছি ! উল্টো দিক থেকে একটু এদিক ওদিক করে পড়লেই ওর মানে হবে, এডুকেশন গেজেট, সাপ্তাহিক বাতর্বিহ, বঙ্গবাসী, স্টেটসম্যান আর ফ্লেন্ড অব ইন্ডিয়া ।...

---

## Pandit Biday by Shibram Chakrabarti



For More Books & Muzic Visit [www.MurchOna.com](http://www.MurchOna.com)  
MurchOna Forum : <http://www.murchona.com/forum>  
[suman\\_ahm@yahoo.com](mailto:suman_ahm@yahoo.com)  
[s4suman@yahoo.com](mailto:s4suman@yahoo.com)